

四庫全書

集部

欽定四庫全書

文端集卷三十

大學士張英撰

篤素堂詩集一

癸酉正月十一日同李愚菴勵近公過萬壽寺

古寺人稀薜跡重畏吾邨畔數過從  
半篙新綠當門水  
千疊奇雲別院松  
鐘卸雕梁埋翡翠  
橋橫錦石墜芙蓉  
誰知瀕洞車塵外  
猶有閒情話夕春

題王石谷畫黃硯芝黃山采芝圖

江南山水窟奇峭天都峰萬嶺落雲海雪浪鋪長松怪  
石翳陰巖攫人如蚪龍聞有丹砂泉波暝春溶溶雲際  
挂飛瀑寒潭時自舂吾友性耽奇登躡資一筇猥以鸞  
鶴姿狎此猿鳥踪披圖賞不已滌我塵壒胃嶺岫本吾  
土官隔關河重吾與石谷子魂夢時過從

題梅桐崖洗桐圖

修桐本孤直卓立真罕儔濯以清冷泉皎潔當高秋吾

邨有君子思致足與侔雅負神僊骨日與羲皇遊閉門  
閱洗桐視聽清且幽十載領柏臺浩氣凌滄州縱之彌  
六合卷之娛一邱君家敬亭山謝李遙唱酬吾亦同此  
意南望大江流

題畫二首

春山新雨後千巘浮曉翠白雲帶林麓竒觀非一致谿  
光泛漣漪石路杳深邃中有幽人居庭軒自清閔策杖  
渡橫橋蕭然寡塵累

崇岡千仞石萬古苔痕斑懸崖挺傑閣杳靄煙雲間結  
構臨空際蘿薜誰能攀門庭耽靜寂日對谿南山時有  
騎驢客來叩柴荆關

題畫截句四首

平湖漠漠起寒烟一點晴巒接遠天此景依稀何所似  
瀟湘春水岳陽邊

幽人小艇白雲間長繫南汀水一灣泛出蘆花應有意  
烟波濶處看青山

雨霽嵐光澹益奇  
黃鶯啼處綠參差  
山翁自愛茅亭好  
灌木陰陰夏淺時

蒼山疊嶂倚空濛  
奇石磷磷曲澗通  
自是深林人迹少  
谿聲朝暮翠微中

夏日直

豐澤園四首

槐陰漸滿柳初成  
白髮頻年侍從情  
書卷蚤趨西苑路  
桑田蠶舍接華清

秋雲亭畔樹交加  
新水新陰石徑斜  
統砌青青書帶草  
沿谿灼灼米囊花

家住湖天柳萬絲  
曾隨菰笠餉東菑  
於今倏見聞鷗鷺  
憶殺春陰布穀時

平田水滿漾新秧  
酷愛溫風擺耜香  
願得身為邨社長  
小車輕蓋課農桑

虛堂

虛堂十笏日栖遲  
綠樹疎簾掩映宜  
借問山翁避暑處

一爐香篆七條絲

七月十五日

召於

暢春園泛舟

賜宴於

淵鑑齋過雲亭復

命至

佩文齋恭賦八首



柳陰曲磧水波平陪侍

君王翠蓋行兩岼水花相向處輕舸柔艣入空明

淵鑑齋前水四圍儵魚鷗鳥盡忘機一牀書帙含青靄  
幾點亭臺落翠微

自驚塵眼入烟霞圓嶠方壺賞物華靜日簾垂清殿迴  
秋蘭香徧嶺南花

雪膚冰液紫囊封珍果新移

御苑中萬里海南曾未識眼中初見荔枝紅

琪樹僊葩植幾叢

天家物色更誰同  
佛桑花綻迎朝日  
一朶驚看照殿紅  
曲磴長廊石徑紆  
許窺秘閣

紫宸居

君王清宴娛圖史  
四壁琅函插架書

天藻臨池絕世工  
瑤函百軸

御香中庠掌老眼  
窺雲漢鳳彩龍雲  
矗紫穹

亭畔芳茵藉綠莎  
頻斟玉醴醉顏酡  
花凝湛露垂垂發

難比

君恩此際多

題子大滄陽樸園圖

我聞滄陽天下稀  
芙渠千頃香四圍  
浦溆參差蔦蔣暗  
田疇曠衍杭稻肥  
隄柳陰濃水禽聒  
渚蘋香暖谿魚飛  
風景偏宜近城郭  
官橋古道開荆扉  
中有園亭樸而野  
讀書味道忘塵機  
靜對琴簪水澄澈  
遠聽桔槔烟霏微  
夕陽杳靄牧笛返  
月明款乃漁舟歸  
茅檐土壁少丹堊

竹椽松桷無雕幾世澤相承勿敢墜  
栝櫟几杖思依依  
石谷丹青妙海內能寫平遠皆芳菲  
喬木深莊夏猶淺  
藕花別墅露纔晞安能移家老此境  
翦韭烹魚願不違  
一曲滄浪櫂船去水雲自製芰荷衣

寄澹人復用前韻四首

南北相思有夢通  
漁莊遙寄一谿風  
米家畫裏焚香坐  
常在菰蒲烟雨

衰疾惟慙退隱遲  
柳蒲搖落雪霜時  
昔年同結漁竿願

獨有青山白髮知

聞道園林一水通扁舟來往趁樵風著書千卷琳琅字

高詠晴嵐罨畫中

佳句逡巡欲報遲江南三月落花時難將烟火人間語

碧樹青谿寄所知

題羹湖畫龍眠山莊圖兼寄省齋先生

上有省齋題句

雲巘翠壑龍眠西大谿十里緣芳堤結屋同居大谿北  
吾與聽史相扶攜幽偏最愛栗窩小詰屈不覺松陰低

樂耕堂高俯平楚青叢細雨看鋤犁山容谿響入太古  
鳥啼猿歎昏天倪種樹初成果初結憐翁委蛻歸丹梯  
筆墨蒼茫寫崖谷撫卷長歎思低迷吾廬十年委榛莽  
清宵有夢勞攀躋烟霏月冷樹空老水流花落鶯亂啼  
寄語青谿老居士

省齋自稱  
青谿居士

芳草自昔多乖睽小園深

瑣勿復道黃柏山椒增慘悽惟有六朝金粉客花時莫

忘聽黃鸝

積雨

不須愁積雨猶可助清吟  
門掩青苔路窗低碧樹陰  
睡情歌枕熟香氣護簾深  
坐覺琴絲緩挑鐙試泛音

奉和

聖製詠金蓮花詩

託跡靈峰下移根玉殿西  
色將籬菊掩名共渚蓮齊  
灼灼金英滿翻翻翠葉低  
坐看瑤草近何異躡丹梯

御書篤素堂扁額特賜恭紀十韻

寒山樛櫟材昌時泰遭遇  
丹地蟠孤根碧霄濯清露  
撫

躬彌悚惕承

恩益驚顧盛髮日就衰迂拙天所賦粗知歷世難惟識  
守身固生平有微尚靡敢渝尺度集木復臨淵凜凜結  
情縻錫以草堂名

天語曰篤素龍鸞宇徑尺瑤光懸寶璐願言詒子孫千  
齡永無數

小庭

小庭碧樹覆晴檐坐覺清陰滿一簾北牖山光懸畫卷



南窗花影落書籤數聲淥水情偏適萬事浮雲夢久恬  
白陸詩篇隨意讀素心于汝獨無嫌

故鄉漕艘至有以鸚鵡見遺者

小草幽花雨後青攜來鸚鵡挂閒庭身隨雀舫家何遠  
轉似鶯簧舌本輕喚起曉天窗漸白叫殘停午夢初醒  
不須更學人言語唇吻雌黃久厭聽

夏日

淺絳憐朝槿輕黃惜露葵草花深綠院秋雨晚涼時  
悲

几堆書滿疏簾著地垂吾廬雖不廣猶足傲東籬

放翁有東

籬記規  
制極隘

積雨有作寄廷玉輩

藉解饑飣把濁醪好將書札問兒曹難言花港觀魚樂  
不勝泥塗策馬勞柳畔小橋新石堰牆陰古木舊亭臯  
懸知荷芰香風滿放屐垂竿儘足豪

閒適用樂天韻

雨過空庭槐蔭碧草花開落似殘春湘簾深靚稀畱客

楚簟清漪穩稱身茗瀹新泉聲漸沸香添沉水意相親  
誰知湏洞風塵裏別有閒情逸致人

六月二十六日

隔簾瓜蔓綠參差葉底殘紅三兩枝此際心情最閒適  
朗吟白傅洛中詩

恭賦

無逸齋詩應

令

清嚴鶴禁迴無塵溫清時聞道法親自昔屏書無逸句  
高齋今見

御題新

東華曙色映蓬萊滿架圖書四壁開

無逸齋中勤誦讀龍樓正是問

安迴

夢坐小樓成末二句

鹿門偕隱小丹邱琴薦茶鐺事事幽屋角東偏文杏影

春風吹上讀書樓

送錢叔弼之官蒼谿

才子彤庭蚤策名，新攜綵綬劍門行。  
遠看雪嶺過秦棧，近對春江繞蜀城。  
邊徼殘黎勞撫字，循良異績課農耕。  
心知佇作承明客，難遣霜天惜別情。

二郎廷玉入都定省寒夜共話遂成四章

長安節序喜團圓，手護梅花避峭寒。  
紫筍黃柑皆土物，素琴濁酒亦清歡。  
惟期孝友承家好，須解謙和涉世難。

不覺趨庭良夜永銀河珠斗漸闌干

江鄉遠隔重牽情愛爾惟期寶令名薄有傳家青史在  
何妨閉戶綠苔生天倫共覓琴書樂子舍相聯誦讀聲  
王謝風流休漫賞久知吾意厭肥輕

漢代賢良重力田吾家邁迹自東阡長聆無逸三宗訓  
幼頌豳風七月篇波轉桔槔鳴下澤雲屯秔稻熟平川  
繪圖擬入春秋社桑柘雞豚樂有年

橋東裛露荷千點屋角吹香竹一灣登眺每從烟樹外

坐眠常在落花間  
閒人地位仙  
兼佛  
晚歲風流水共山  
淨埽靈臺無一事  
肯教容易老朱顏

寄三女

穉女關情久別離  
吾家道韞解吟詩  
蕉窗對鏡圖書滿  
紙閣拈鍼筆札隨  
香徑自移閒草木  
膽瓶常貯好花枝  
每將雅句貽昆弟  
話向京華阿母知

次韻荅澹人二首

寒蕊供幽賞  
清吟想夜分  
鄉園同入夢  
花事悵離羣  
老

眼耽泉石新圖愜見聞雪香亭畔景把翫最殷勤  
苦憶陪猿鶴知君鑒此情共期鋤菜老獨羨買山成白  
髮家偏遠朱顏歲屢更寒宵吟麗句邱壑思縱橫

為澹人題梓樹花圖二首

文梓花繇迴異觀紫瓔朱絡翠雲端新來頻寄山中信  
特地移根占一巒

江邨逸興耽紅雨為寫生綃一幅春自昔樂天曾有句

微之才是惜花人

白詩除卻微之見應  
愛人間少有惜花人



題澹人北墅圖

種樹成陰須十年等閒求買苦無策東坡此語老解事  
喬柯珍重如拱壁一株兩株皆足豪古幹擎雲根覆石  
何況嘉樹羅千章蒼深杳靄幽人宅我愛江邨新草堂  
谿流縈抱園林僻梅花十畝雪堆莊桂叢一望天香陌  
松嶺排空紫翠翻梓澤飛英紅雨積修篁處處烟梢青  
孤桐歲歲霜皮白天留此境待詩人雲窗澗閣搜陳迹  
雙展平橋鴈齒斜一擢輕舸鴨頭窄荷亭花埠日垂綸

萼谿蘭渚時鋪席水禽沙鳥馴不驚啼烟喚雨同朝夕  
酣春避暑雖頻來曲榭高樓自疇昔天下名園數錫山  
老樟顛蹶成蕭槭樟樹最古近聞始作幾見輪囷合抱姿交柯接  
葉森如戟嗟予邱壑足平生性耽種樹老成癖踈梅十  
挺松一壘對此小巫彌氣索披圖如探九曲谿引人著  
勝殊難釋自是君身有僊骨瀛山緌嶺娛僊客佗日功  
成息肩去細把庭柯增數尺

春晚天禧宮看松

荒殿松風晝掩關，十圍蒼玉古苔斑。  
徘徊清籟濃陰裡，騁拂深山大壑間。  
幽境乍容成小憩，浮生未許覓長閒。  
百泉自是頻來地，駐馬何妨數往還。

法華寺看牡丹

飛霰纔過花信遲，餘寒猶滯綠楊枝。  
畏吾邨畔垂鞭客，蚤是春殘穀雨時。

乙亥三月六日攜六郎登積翠橋北瑤華島時野

桃初放，岸柳微青，俯視春波得十二韻。

春情苦泥人言陟瑤華島款段緣石磴盼睠出林杪憑  
高散塵襟新晴覺春晚青歸花柳遲紅發山桃蚤西嶺  
隱薄霧雪峰迴幽香夕照入龍樓金碧絢霞表中涵太  
液池烟波自空渺縱橫九陌長蕩漾一舟小圓殿影差  
參蟠龍勢夭矯謂古枯石橋儼虹卧鈿車正雲繞倚徙復  
移時聽禽藉芳草穉子有會心笑憶湖天好

乙亥三月中旬出西直門歷近郊看杏花四首

隄柳新陰起宿鴉平明走馬蹋晴沙初經細雨宜芳草

未覺輕寒損杏花霧斂西邨飄酒幔塵消南陌度香車  
懸知今歲農桑樂麥隴青青一道斜

平蕪芳景日芊緜縱轡郊園意曠然雪淨遙峰橫黛色  
暝歸高樹起春烟最憐濯濯風前柳更愛涓涓雨後泉  
已識閒非容易得旋鑣莫厭夕陽天

比舍園林競物華地連韋杜總清嘉碧谿雨足三篙水  
紅杏烟籠十畝花柳蔭深藏邨市古槐根高擁石橋斜  
留連只在城西路更訪松關老衲家

柳陌春深逸興催  
徧尋蘭若看花來  
泥融頗覺谿難過  
風緊曾無客與陪  
乍聽鶯啼閒覓句  
不妨馬逸小成災  
萬端倚伏皆如此  
苦樂相招豈用猜

瓶中杏花

一枝山杏破輕寒  
最愛微舒色可餐  
乍白乍紅為態好  
含煙含雨欲開難  
怯當荒圃風前立  
折向甌瓶簾下看  
佗日培栽三十樹  
還營傑閣倚層巒

題古塘山莊圖

吾邑倚山麓北郭景尤殊岡巒莽回互土壤偏沃腴園  
林饒美箭谿澗出靈蒲平遠復幽邃邨墟如畫圖斯地  
稱古塘景物更誰逾我出宜民門掀髯頓胡盧言過龍  
眠莊佳地日取途山椒構書屋石子耽咿唔清池抱一  
徑古木羅百株麥蚤抗春草稼密勝秋荼愛賞無已時  
夢境猶奔趨吾弟出此畫景乃吳客摹高低路髣髴遠  
近谿盤紆長吟起歎咤山靈遙可呼何當返征轡籃筍  
踐此區寄語屬鶯花勿俾芳歲徂

題羹湖畫冊中車歸里圖四首

幅幅烟綃筆有神  
斯圖展對獨情親  
梧桐秋雨江南路  
容作垂鞭飲馬人

拍天風浪旅魂驚  
翦燭同予住鳳城  
垂白倚門歸夢切  
思君著筆此時情

曾攜絡秀輓巾車  
碧草芳時返故廬  
今日披圖思往事  
道山人又上清虛

龍眠高閣挹飛泉  
洗石移花樂事偏  
碧落僊居剛十載



黃壚客去已三年

乙亥三月二十日過廣濟寺看海棠即贈天孚五

首

紫絲初放曉烟收  
晴日花光倚佛樓  
猶喜馬蹄乘小暇  
海棠開日得頻遊

穀雨輕寒欲放遲  
陰晴最是看花時  
要知喻法深微處  
拈取臨階三兩枝

茗香相對日遲遲  
裊露含烟半放宜  
探取人間消息理

其教開到十分時

古藤雪屋已公居  
竟日掩留對擁書  
一室蘭香比幽谷  
撲人最是捲簾初

雪刺蒙頭顧影慚  
人間何事不曾諳  
君營丈室維摩側  
許借蒲團學小參

夏日即事二首

手植庭槐漸放芽  
西隣屋角已堪遮  
虛堂謝客容支枕  
舊架除藤為種花  
小甌膩紅傾潞酒  
半甌香碧試閩茶

人生底事多惆悵地北天南總是家

春歸又負故人期廿載華林借一枝隔苑樹籠栖鶴地  
舊宮花發浴蠶池夢回鄉國難愁聽泥滑天街馬倦騎  
坐對小屏簾影靜此心惟許七絃知

題馬西樵畫冊十首

薄薄山田種黍宜數家山畔結茅茨春秋社飲無多路

翠巘疏林土穀祠

予最愛鷺湖山下之詩謂其得田家  
豐樂太平景象茲雖尺幅而山色明

秀茅舍清幽林端結構  
宜是叢祠遂作此擬之

荒山古木亂雲生絕磴危橋少客行思向小菴深入定

惟聞泉響續鐘聲

喧不礙寂者泉聲也豔不傷道者花峪也巧不蕩志者鳥語也樂不招尤

者隱居也舉世在明昧之間無人超苦樂之趣

石壁青蒼插江渚何人結屋滄波間閉門只有潮聲入

回首沙鷗共我閒

東西梁山即太白所謂天門中斷楚江間也石腳插波懸崖置屋實有此

景當夕陽返照片帆飛來幽曠清佳宜為詩人所賞

蹋盡空林落葉聲尋山莫計白雲程高車駟馬足憂患

好句多從驢背成

垂釣竿坐藍輦騎跛驢蹋芒屨皆隱者之事然聞達官案頭有釣艇圖不

聞山人壁上有待  
漏圖試取參之

歎息人生萬事愚誰從眼底覓清娛  
一間茅屋三株樹  
便可相將入畫圖

秋林葉落雨如絲  
野老何曾解別離  
應是前邨沽酒去

山妻相送過橋時

人生天涯遠別多由聲利場中山翁  
離數次山妻樺子往送來迎焉知離

別之苦此  
景可畫

少小離家學閉關  
曾攜書卷石門山  
青松影裏看飛瀑

一幅吳綃紫翠間

吾里近城瀑布首則披雪次則石門  
又次則似古山房予自幼齡從叔兄

讀書於石門僧舍今  
此卷已成茂草可慨

蟹舍魚莊秋水生茅檐相對好躬耕平蕪野色青如許

動我湖干種柳情

予擬於松湖新莊築隄種柳為觀  
魚泛舟之樂斯圖先得我心矣

簑當颯颯作秋聲一把香茅結屋成但得蒲團趺坐穩

自然消息悟無生

龍眠山中有修竹一畝欲置亭於其  
中預作一聯云俗事無如斯地少道

心常對此君清抱此  
顧十餘年迄未償也

仲子湖干蚤結廬千山飛霰放船初擁裘醉卧蒲帆急

瑤島僊人本雪漁

西樵畫有遠趣武仕特以貽予大郎  
廷璩持此求書遂各賦一首於後

過宛平相國園亭

丞相園亭夢憶中廿年今始躡芳叢  
垂藤到地閒門入奇石如林細礪通  
山杏子低幽徑碧海棠花亞小樓紅  
欲知物外栖遲意邱壑由來屬謝公

即事二首

江鄉蕙草如茅賤此地千錢購一叢  
培護剪澆勞日夕數枝香滿小庭中

連朝走馬問芳叢數過城西古佛宮  
遺我魏花雙蒂好

一年春色甌瓶中

乙亥四月二日蒙

召賜宴

暢春園蓋

特旨也謬成四首

深宵剝啄啓衡門鳳紙來宣荷

異恩明日馬蹄侵曉出琪花叢裏到僊源

苑樹新成蔭碧條水邊同上木蘭橈紆迴山徑過雙柳



紅紫花圍白板橋

斯游何異泛僊槎

瑞景軒南聚物華  
魏紫姚黃都看徧  
御闌千種洛陽花  
遠砌斜傾赤玉盤  
輕陰更帶露華溥  
侍臣不管雕闌隔  
爭看中央綠牡丹

西郭邨中有文杏  
高柯花時極可愛  
賞忽一日見  
操斧盡伐為薪  
嗟嘆不已因成此詩

紅杏含烟四十株  
纔逢花謝綠陰鋪  
無端斤斧摧殘盡

歎息人間有底愚

曲讌承

詔步司農說囀韻二首

花間漏盡晝沉沉  
曲宴頻沾感寸心  
秘閣同承春殿詔  
卷阿期續盛唐音  
靈池魚戲青萍合  
輦路鶯啼碧樹深  
瑞景軒南鋪綺席  
鞞紅千朶映華簪

清波同泛錦橋連  
指點樓臺散曉烟  
柳暗花明春似海  
山縈水帶景無邊  
竹孫蚤出逢多雨  
杏子低垂兆有年

自是

聖恩榮侍從側身蓬島亦仙緣

歸來

馬跡歸來盥漱宜焦桐便理七絃絲一簾深綠槐舒葉  
半榻清芬蕙滿枝苦憶白家池上宅愛吟宮尹洛中詩

釣船只繫繩牀脚最是吾廬得意時

白詩有誰家卧牀脚解繫釣漁船

四月十五日過玉蟬橋望北湖漁舟輕泛有致遂

成口號

荷葉田田昨夜生南垞北岸貼波平明湖風定澄如鏡  
最愛漁舟兩兩輕

澹人見贈芍藥賦此二首

謝家紅藥正當堦定有瓊琚好句排昨夜春風過鄰圃  
數叢婪尾發蕭齋

四月清和芍藥天甌瓶花事一鐙前尋芳猶記曾遊處  
不到豐臺二十年

秋日

經旬休沐蚤簾影靜虛堂江蓼疑南浦秋花愛北牆黃  
柑齊佛指金粟聚天香再理清琴罷庭槐半夕陽

文端集卷三十

欽定四庫全書

文端集卷三十一

大學士張英撰

篤素堂詩集二

秋夕鼓琴有作

含露沐新涼秋花好顏色閒澹足高致庭階手滋植埽  
跡深閉門虛堂恣偃息簾影隔塵囂琴徽代語默古調  
重希聲冲和滿胸臆幽泉滴寒岑鳴玉響清閫豈有箏

笛喧頗覺琵琶仄始知昌黎詩陵轍非琴德

乙亥六月二十日奉

召至

暢春園賜食於

淵鑑齋宴畢敬觀

御書於

佩文齋賜

御筆書扇并紅白千葉蓮各一餅恭賦六章同

台者大司農陳廷敬原任總憲王鴻緒學士顧藻少詹  
事高士奇太常少卿勵杜訥督捕理事官胡會恩  
侍讀學士史夔庶子孫岳頌及長男侍讀學士廷  
瓚

時和鳴鳥聽雖暗避暑亭臯愜

聖懷苑柳涼生宣政殿渠蓮香繞讀書齋林幽地靜烟  
霞古徑轉谿迴水石佳惟有侍臣思眷渥木蘭舟泛到  
奠階



萬幾臨御久精勤暇日

皇情涉典墳窗度竹風彌靜  
遠簾垂花氣更氤氲芸香  
披卷侵晨色蓮漏觀書達夜分  
水變墨池何足訝琳琅  
千軸盡奎文

過雲亭畔列芳叢景物人間迥  
不同玉蕊乍驚天上樹  
荔枝初見嶺南紅雕欄鳥語  
矇矓日水殿蘭香澹蕩風  
總是生成饒雨露擢英競秀  
碧霄中

侍從頻年黍菽林

高齋賜宴近花陰  
大官列饌皆珍果  
中使擎杯盡異珍  
事絕千秋榮莫比

恩沾兩代愧尤深  
矢音欲效林間鳥  
難訴微臣感遇心  
水榭西頭繞曲廊  
漸移花影日偏長  
許窺玉檢來深殿  
爭乞龍牋近

御牀屢賜

宸章恩不厭頻傳

天語意非常  
諸臣仰恃

優容度腐草羣分日光

自昔詩稱玉井蓮錦塘今見露華鮮  
重臺異種蓬壺客碧藕竒姿太液仙  
鉅貯荷香分渥澤舟移花影度晴川  
一從拜賜芙蓉闕日日清芬几席前

題石谷畫冊二首

平林帶遠山斷岬園方塘高原隱茅屋似我松湖莊  
蚤禾亂黃雲新秋稷稻香扁舟繫門柳處處鳴漁榔  
苓簞出沙渚中有鮮鱗歲湖上白髮翁結屋汀鷗傍  
耕漁倚

先業樂志良有方顏堂曰寶穡荷柳魚稻鄉士農皆本  
務後嗣期不忘

幽居出林杪斯語良可賦秋山自重疊落葉紛無數空  
林響樵柯山腰幾家住雞聲亂白雲谿光映紅樹寒泉  
落層巖疎花隱樊圃邨烟接嵐氣杳靄日將暮我昔扶  
筇時幽景屢回顧披圖苦尋繹髣髴龍眠路

題石谷畫截句六首

崇岡灌木亂昏鴉跨礧穿松一徑斜久別蒼山舊書屋

石橋西畔阿誰家

天空木落萬峰稠  
山色朝來翠欲流  
底事春深不歸去

畫圖惟愛李營邱

龍眠當春深秋暮風景最佳新綠丹楓萬峰如錦奇觀異狀不可思議

者更以秋晚為勝青松滴翠古栗鋪黃間以霜晨楓栢茜紫深紅照耀林壑鋪嶺雕巖四時之景未有能過之者

一帶橫林手自栽  
霜晨晴日果園開  
欲尋栗里幽人宅  
須渡平沙淺水來

谿水淙淙雨後生  
奔巉絡石愛澄泓  
茅亭可有幽人到

卧聽鳴泉憂玉聲

蓬子灣頭水接天  
荻花深處起炊烟  
何時蓑笠江南雨

醉上湖干放鴨船

人生適意湖居為最蒲帆蘭楫北渚南垞隨意所之侶遊有鷗鷺之羣兼

味有魚蝦之美柳隄千尺可以縱步荷渠十畝可以快遊晴日則漁笛滿川風雨則綠蓑在野四時之景雪月尤佳六合之中烟霞獨勝謀幽居者當敬以此告之不敢自秘也

蕭蕭落葉雜歸鴻  
秋在山人澹墨中  
我卻置身亭子內

便同陶隱聽松風

乙亥八月退食之餘稍有暇晷垂簾虛室埽跡杜門茗椀在傍清琴可仰

友人贈以巖桂數本香氣塞牖海棠秋草逞艷北牆視息其間亦良快矣危宗以畫冊見贈筆墨高妙烟雲舒

卷遂置我於林壑中各系以詩記今  
秋勝事並誌良友之誼於不忘耳

寄示諸子二首

清夜聯牀有弟兄梅花寒月讀書聲而翁舊宿荒園角  
擊柝烏蹄霜滿城

文心須熟九還丹氣靜神清筆路寬此日短檠無夜課  
何勞辛苦蹋長干

閱盤山志寄青溝上人

我昔賦行役稅駕盤山下高峰逼塞門蒼巘橫薊野黛

色薄青冥睇望彌秀冶今讀羣公詩烟霞供繪寫久知  
林壑佳益覺塵壒寡樹杪亂雲栖石虎飛泉灑松檜翳  
幽徑薜荔纏古瓦霜柿艷清秋風篁却炎夏言念紫蓋  
峰依然白蓮社我本邱樊人落落風塵者夙願在名山  
寄詩慙大雅倘許營一龕薌茅乞盈把

飲摩訶菴看杏花便過

御果園歸塗慙元福宮

西郊富蘭若摩訶菴最幽自昔文藻客挈榼頻來遊我



往扣荆關綺杏花事稠嫩蕊烘澹日絕艷誰與侔豐肌  
裹仙骨坐令桃李羞俯視成奇觀相將陟崇邱長林籠  
錦幄上有烟光浮更歷

御果園千樹交平疇晚過元福觀苦為雙松留喬柯凌  
碧落霜幹直且遘孫枝走殿角一一皆龍蚪歸卧發佳  
夢滿耳聲颼颼

三月十六日過妙光閣遂之慈仁寺

尚書舊跡比輕塵細草幽花巧作春猶有山僧談往事

招魂無復畫蘭人

妙光閣為龔合肥  
宗伯燕遊之地

慈仁古寺昔遊頻廿載重來蹋軟塵不作小詩傳後輩

殿臺誰識舊龍鱗

初夏二首

手培蕙草綠芊綿花蒂含珠劇可憐欲令微風領香氣  
移來簾影小窗前

三冬溫室護重帷始得紅蘭四五枝卻憶龍眠山畔路  
歸樵花壓擔頭時

長日四首

長日陰陰燕羽斜  
樹頭幾點放槐芽  
蘭枝花謝堆新綠  
初到江南穀雨茶

小雨輕陰入夏寒  
擁裘猶怯近欄干  
關心塞北風兼雪  
衣上冰花渾未殘

觀書摹帖已全刪  
茗椀琴絲亦放閑  
知有年光無處覓  
卧遊石谷畫中山

憂喜人間總浪猜  
好懷能得幾時開  
莫嫌春色堂堂去

紅藥朱櫻次第來

題喬無功孝廉餉烏圖二首

庭烏反哺意勤渠歎息人生未得如一掬香粳深愛汝  
結巢常傍孝廉居

蚤歲中年違怙恃霜天愁聽夜烏聲披圖瞥見銜悲客  
無限人間風木情

入夏即事四首

斗室湘簾也絕塵春深夏淺最撩人每逢歲歲清和月

芍藥香中住兩旬

能白能紅偏冶艷  
含脂含露最天斜  
人間自有留春處  
手種臨階月季花

幾日晴雲始破寒  
擔頭芍藥滿長安  
軟紅怕蹋豐臺路  
剪向銀鉶盡日看

華林西畔掩雙扉  
簾幙風輕燕子飛  
手弄朱絃看紅藥  
數聲清越過中徽

法華寺老僧贈牡丹四朶有作四首

名花百朶近書樓未省兒童解愛否慙愧山僧知好事  
年年相贈紫平頭

花中姚魏迴無倫我昔移來洛水春今日白頭方解事  
看花不是種花人

春殘布穀已頻催含露西山蚤斲來恰是老妻齋誦日  
膽餅先向佛前開

洛陽廊時遠難尋吾本江南僻縣人何事辛勤求異種  
家園珍重玉樓春

年華二首

最宜珍重是年華，只合芳林傍水涯。  
藥譜茶經誠鄙事，桃蹊李徑即吾家。  
支分耕獲憑啼鳥，莞鑰門庭付落花。  
手把劍南詩百卷，蓬壺踪跡豈幽遐。

靜中風味試探尋，茗椀鑪香伴素琴。  
盆蕙便堪為茂草，庭槐暫許作長林。  
非無邱壑胸中事，時有鳶魚物外心。  
家在海山隣弱水，久稀消息到於今。

豐臺芍藥吟四首

竹籬茅舍傍清湍種菜家  
家間藥欄獨有宛平丞相圃  
留花未折待人看

四月薰風暝復晴  
道衢委巷賣花聲  
繇英盡在長安陌  
誤賺遊人蚤出城

紅雪歌兒鬪粉脂  
南窗北牖列參差  
晚花珍重蓮香白  
別貯銀鉗三兩枝

移植城中百不成  
泉甘土沃始敷榮  
由來不解隨人意  
小草偏生物外情



予既得前四首與弟侄同看復為予道北軒事遂  
成末篇

短句吟成一破顏忽聽弟姪話家山北軒饒有花千朶  
卻在清潭碧樹間

夏至齋宿蘭省與王吳廬先生談龍眠秋色之勝  
遂成長句

苦憶龍眠愛秋晚為君摹寫秋山容霜濃日澹色初染  
林臯颯颯多悲風桤栗松楓隨地有頽黃紫翠攢一峰

峰峰相續各為態上倚碧落燒晴空此時潭水澈骨清  
傍岼數點新芙蓉不寒不暑袷衣便有客有酒巾車從  
紫蟹黃雞味正美青芻玉粒香偏濃俯臨大谿坐盤石  
矯首長歎摩蒼穹飛鳥遙衢赤城起天光絢轉朝霞中  
造物娛人亦已甚奉我綺屏繡幄千重重

先農壇古松

古壇數百載石屋傍長松一松蔭一畝翠色撐空濛修  
柯動鱗甲詰屈森蚪龍幽響吹笙竽颯颯迴天風班剝

何所似清廟羅鐘鏞古仙侍天闕肅穆修儀容靈液分  
海瀆精氣通華嵩上有鬼神守下無狐兔踪我昔當壯

歲斂戢欽微躬言陪華亭叟

沈繹堂先生

更伴淄川翁

高念東先生

生風塵久間隔奇觀欣再逢徘徊清籟起偃仰蒼雲封

靈物邈歲時廿年俄傾中細把青銅柯覺與疇昔同惟  
子華髮變感歎將何窮

蒙賜

御筆臨米芾長幅恭紀

聖主求寧致清宴坐擁圖書千萬卷省覽機政日中昃  
典學稽文意靡倦微臣歲久侍華清講席經帷燕常見  
避暑多在甘泉宮柳風槐露迎涼院几畔秋蘭襲袂香  
階下新荷映波茜

聖情怡豫對清流微颺不用移宮扇日揮鳳紙恒百幅  
退筆為山墨為澌遠自篆籀逮輓近縹囊玉軸羅羣彥  
漏痕釵腳法益奇虎卧龍跳勢屢變

御筆腕下集大成俯仰千秋稱獨擅臨摹最愛米與蘇

古人重見開生面  
襄陽野老舊知名  
異代遭逢數稱善  
當年承詔入深宮  
落筆驚奇響  
春殿米顛豪放本  
不羈紫袍自裹端  
溪硯長牋流傳入內府  
側近龍香荷

宸盼字大如椀  
近數百淋漓瀟灑  
吳淞絹鐘王顏柳各  
有態盡入豪端  
供結撰勁筆軒翥  
摩丹霄奇情天矯  
躡飛電珠璣萬斛  
神采殊珊瑚百尺  
霞光絢念臣朝夕  
傍斐几特與疏恩  
及愚賤茲幅拜賜  
出明光寶翰煌煌  
倚深眷榮光夜燭  
蓬蒿廬奕世家珍  
共欽羨

丙子秋日直

暢春園

韻松軒即事兼呈澤州江邨靜海虞山四首

西郊幽曠水泉清近接羣峰紫翠橫  
太液疏池千澗入靈和種柳十年成承

恩數忝丹霄直顧影頻驚白髮生  
宮漏聲希鈴索靜慵開書帙此時情

水雲佳地敞

宸居日日朋簪此曳裾

龍御紫庭朝聽政鳳栖阿閣舊攤書

軒乃諸皇子讀書之處傳餐

中使過瑤島滌硯涼波引石渠久傍星辰高處立捲簾  
常怯對清虛

樹接郊垌入翠微不辭騎馬侍

彤闌佳時載筆臣何幸

聖主耽書古所稀地近清都蘭桂繞閣臨秋水鷺鷥飛  
頻來漸覺薰葭老風露新添白袷衣

海雲東望接滄溟一片秋光滿

御屏雨過平蕪沙路白風迴高柳繚牆青休兵可望登  
三古垂老惟思守一經字內羣公欣有託抱蓑吾欲返  
烟汀

眼昏

行年甲子已全週眼暗經今有十秋雲外猶能窮練影  
銓前未許辨蠅頭久知識字多為累但可看山百不求  
目力漫從寥濶費意中思製小林邱



不寐

一月愁淋底事狂新晴今始見秋光蕭蕭終夜還疑雨  
深悔移牀近白楊

見進芙蓉者

江南秋色鴈聲催新見寒蓉進

御來故國祇今湖水上倚風含露滿汀開

宿法華寺

倦投古寺愛庭柯積雨牆陰長薜蘿砌擁草花秋蝶滿

檐垂霜柿暮蟬多偶從禪榻分清磬卻夢漁竿枕綠蓑  
最覺園蔬有佳味衝泥不厭屢經過

題梅桐崖橫琴圖二首

宛水先生鬢未星高懷逸興寄青冥遙知目送飛鴻處  
一片閒雲在敬亭

自昔題詩詠洗桐橫琴又復羨幽踪祇緣古澹人相似  
不獨吟成萬壑松

七弟自平山來晤於其別時作此示之

生平官跡未親民重爾分符赤縣人兩字箴銘惟愷悌  
千村婦子待慈仁世間境遇安為樂里社涵濡感最真  
自昔參藩傳治譜百年棠蔭浙江濱

畿南百里足婆娑地僻民淳穩獻歌山翠逶迤連北嶽  
河流縈帶近滹沱簾垂官閣春花滿竹映閒庭夕露多  
家室團圓稱吏隱好將休養致人和

毘陵分手隔江烟南北鴈飛已八年薄宦攜家深念爾  
嚴寒覲面倍欣然關心伯仲顏俱老回首田園意更偏

壯歲勞人須努力容吾高枕白雲邊

閏三月二日同子侄輩過摩訶菴詣天禧宮看松

興勝菴看杏花萬壽寺看鐘沿谿河歸四首

杏烟吹散半成塵瓜蔓初抽菜甲新自惜尋春來較晚

穿林猶見看花人

摩訶菴遇史司  
輩攜酒來遊

蕭索琳宮大道傍雕檐畫壁久微茫長松深鎖無人到  
盡日空庭發古香

微颺潛起綠陰中差與琴聲古澹同頗使塵心消歇盡

由來陶隱愛松風

蘭若幽偏舊跡存松林路接畏吾邨小亭西望春如水

紅杏花飛

御果園

興勝寺有亭  
俯看杏花

即事

木芍藥開春晚晚近依棐几稱幽清正當曉月黃昏後  
忽聽冰絃一兩聲豈是鼠翻簾幔響非關風激紙窗鳴  
朝來檢點餅花朵落向琴邊幾瓣輕

八月過明相國園還循河至高梁橋三首

縱轡晴郊野興賒城闌西畔入烟霞  
幾家地接靈和柳一路春殘杜曲花

上林餘澤散烟汀丞相園林喜不扃  
欲向鏡中看樹色

扁舟移過晚香亭

并上畫叢竹  
號晚香亭

曲曲波光泛玉泉高梁橋北愛潺湲  
誰人解向紅塵外行到清谿綠樹邊

題石谷寒泉落木圖

蕭蕭衆木響霜葉落秋清雲中遠鴈度階下寒蛩鳴谿  
流漱石瀨琴筑相琮琤我昔山窗夜飽聽同韶韻手把  
白傳詩甌泛黃菊英盡滌塵世想深愜幽人情十載謝  
邱樊撫卷思縱橫時方坐齋堂靜慮寂無營空山共今  
夕憶我寒泉聲

題石谷天香草閣圖三首

我家亭子傍清池初種天香月露枝老樹成圍應有日  
秋風相待廿年時

披離巖桂紫苔斑下蔭寒泉碧一灣悟到木樨禪定處  
九秋風露滿空山

城南傑閣帶修廊錦石垂藤倚桂坊一種清秋高潔意

最宜相近是簷簷

予儼構天香書閣於小橋曲沼之南  
新移叢桂枝甫覆檐石谷繪圖亦倚

石臨水若為之  
識也喜而賦之

### 題石谷畫米家山二首

烟螺霧髻望成堆水氣空濛曉未開我愛松湖山數點  
桃花新漲雨中來



菰蒲風暝上嘉魚杭稻吹香六月初一笠一蓑吾已辦

賞心端合傍湖居

吾家湖上有先人舊業田非腴壤獨蚤禾先秋而登耕漁並作弟兄接屋

而居阡陌相望有可樂者湖畔一峰聳秀絕類斯圖荷柳之隈惟松獨茂烟水濛濛乃是真米家山也

題姚注若畫冊十一首

新購谿南十畝莊年年書為種松忙猶思坐對龍髯古

聞道青梢若我長

余以辛未種松于芙蓉島得四千本今閱七年已高七八尺有盈大者若

見其蚪枝偃蓋古幹擎雲獻詠其間亦一盛事也

山居無事日遲遲簾靜香消與睡宜有夢不離幽徑外

鳥聲飛上野棠枝

余壬戌以後謝客山居蓬徑草菴饒有幽致栖遲三載此景依然重話舊

遊憫馬增慨

朔雪燕霜柳最遲  
采蘭修禊已多時  
祇今玉竦橋邊過  
纔見輕黃染舊枝

樅水松湖地接連  
平山遠渚已幽偏  
依稀如見金環石

楊柳烟中過釣船

湖畔有石圓淨名金環石

邨市人家柳岬邊  
白魚入饌最芳鮮  
慙予舊是湖干客

風景相違十二年

西郭層巒入翠微石門舊業掩荆扉梅花香裏茅亭外

盡日空山雪練飛

吾鄉瀑泉甚多披雪及似古山房皆佳茲圖類繼谿石門從梅花影中望

匹練尤勝也時與方子東來同識之

霜葉迎風鬪茜紅我曾步屨入橋東雕巘繡嶺千重色

半在雲中半水中

吳興小司冠筆妙天下寫秋林得荆關遺法園居養高興致益豪點染入

化以十二幅遺余良不易得也

媚筆泉香蘚石竒下臨千尺瞰淪漪懸崖舊是垂雲汧

圖畫依稀李伯時

余在大內曾見龍眠山莊圖粉本有玉龍峽則今之碾玉峽是也其秘全

卷結屋山麓前臨大谿熱徑當門則今之寫園似之有  
垂雲泚奇石壁立大谿中今竭華泉羅漢臺猶可想見  
也

傍水穿林石徑紆幽泉香草世應無相將路入芙蓉島

遙見青松隱碧梧

從寫園而西山腳插大谿中於此營一徑遙遙里許可得水石營迴之致

由此達椒園芙蓉島極為幽僻因識于此圖之末云

荷鋪朝來過野塘籬邊小圃愛蔬香侯鯖百種爭能似

豆角新肥帶露嘗

布穀聲中初焙茶低枝小草發紅芽山禽啄向春烟裏

誤認谿邊躑躅花

黃荃趙昌作花鳥多出新意  
遂冠絕一時茲幅染嫩葉如花輕紅可愛是

春色非秋色也  
因詠以詩



文端集卷三十一

欽定四庫全書

集部

文端集卷三十二至  
五

詳校官庶吉士臣汪彥博

助教臣常循覆勘

總校官降調編修臣倉聖脉

校對官中書臣葉蘭

謄錄監生臣王駿

欽定四庫全書

文端集卷三十二

大學士張英撰

篤素堂詩集三

題宮定菴四蹟圖六首

少小聯裾至樂存推梨讓棗度朝昏多君四海飛騰日

長記書聲棣萼園

右兄弟讀書圖

席帽秋風蹋鞦韆塵板橋霜跡騎駢柴門雞黍山東路

誰識佗年擁節人

右應試  
北征圖

玉皇香案舊才人自有文章動紫宸靜海至今傳軼事

澤宮蓮炬似車輪

靜海屬澹園先生每為予言里人夢  
紅燈二枕自學宮出其一絕大乃公

獲雋  
之光

車騎雍容舊井廬承歡恰稱彩衣裾誰能頭白雙親健

笑折紅綾第一書

南宮第一時  
雙親俱健

地接東華水滿谿柯亭劉井舊沙隄至今槐影深藏屋

猶照當年太乙藜

右翰林  
讀書圖



左駕蒼龍右翠蚪飛馳河伯與陽侯使君本是為霖客

手把銀潢灑綠疇

右禱雨圖

小集用東來伯顧鳧宗韻

小軒晴雨愛時和乳燕新泥葺舊窩庭滿綠槐供偃仰  
階翻紅藥儘婆婆壺觴此日分毫素麟鳳諸公未網羅  
頻問故園松竹好從來鄉思向人多

日長

日長睡足午陰斜猶喜經旬蚤放衙客到常聽江北語

簾開初見嶺南花  
琴酒古澹平沙操  
甌送清芬顧渚茶  
親故兒童紛滿眼  
何妨垂老客為家

韻松軒即事前十首

有序

丁丑夏六月同陳大司農高詹事勵銀臺孫大司成傅  
侍講學士入直

韻松軒編纂碧谿高柳紫帶直廬鳥語蟬聲響答清晝  
傍有水神祠丹楹翠瓦下臨深澗林陰蔽日赤曦忘暑  
時抱書卷過此游衍聽隔花之宮漏挹別浦之荷香率

成十絕句鄙儻無文蒙諸公屬和遂爾成軸念夫交游  
聚散事等浮雲文雅風流語傳他日目前隨意之揮灑  
異時觸眼之琳琅倘得歸老邱樊展對于松陰薜石之  
間殆歐陽公所謂迴顧玉堂如在天上者耶并書以記  
其事

一道清谿迴絕塵日光穿樹見纖鱗水邊石上來趺坐  
便是驂鸞隊裏人

山畔蒼然結小亭數峰垂影入滄溟中涓亦解臨流賞

指點波心看畫屏

蒼然亭名

一水一山俱入畫一花一草別成春  
人間何處能如此更說方壺恐未真

路過平橋青嶂繞門臨谿水綠陰開  
洞天福地原無暑況復山烟送雨來

漏聲隱隱水淙淙紫玉蟾蜍碧瑣窗  
池館人間稱第一朋簪天下更無雙

栽桃種柳幾多時瞥見喬柯挂綠絲  
愛看清陰籠碧澗

抱書常過水僊祠

午夢遙驚花外鐘  
關情水態與雲容  
隔牆便有蓮華夢

清遠亭邊石筍峰

清遠亭名

丹稜十里路非遙  
索筆連朝侍紫霄  
靄靄微風波上度

幽蘭香自

御筵飄

塵囂不到迴幽清  
半日微陰半日晴  
忽聽進冰傳內使

柳邊遙過櫂船聲

弱水何如

帝子家雲中飛閣影橫斜我來暫作承明客便泛吾家

博望槎

韻松軒即事後十首次孫樹峰大司成韻

千章灌木夏陰陰秘閣疎簾發苦吟底事谿邊來去鳥  
亦耽豐草愛長林

方塘曲抱小山岑雨過涼生一探尋便是黃荃江岬景  
菰蒲深處宿沙禽

雲館九天鈴索淨谿亭六月袷衣涼微之佗日山陰去  
僊吏人間說

玉皇

家在樅陽秋水邊平湖萬頃接山烟東坡夢作仇池長  
福地神魚小有天

荷裳簞笠試新裁乞得閑身駕鹿回上界由來足官府

思從勺水望蓬萊

時方上  
章乞休

瓊苑花枝玉井蓮

天家景物總清妍只應書向瑯玕節留與雲孫奕世傳  
北望祁連似砥平黃皮烏弋盡銷兵正宜白首為農去  
卧聽松風夢亦清

北峰雲影已全移惟有仙家漏點遲莫怪頻年驚節物

纔凋一葉是秋時

立秋後一日

松陰低覆雲千壑蓮葉香深水一灣手種庭柯今幾許

倦飛鷗鳥合知還

幾年偕入苑東門時見雲從墨沼翻



天語親承俱色喜華亭風格至今存

此專謂樹峰

天語嘉其書法  
可繼美華亭

便面畫雙鷺碧蓮題曰路路清廉圖奉

勅賦之

精白勵臣衷含情藻繪中蓮香披淺瀨鷺羽立芳叢皎  
潔心常似塵埃意已空

聖懷勤賞詠長此振清風

送高江邨侍養歸里

自吾與江邨同被賜廬居禁庭二十載出入形影俱鴻  
才愜優眷異采絢天衢對分金鳳紙偕曳紫貂褕君獨  
有高堂靈萱日正舒衡宇近相接慈惠資涵濡一朝奏  
天子乞養歸平湖縷陳數千言字字傾鮫珠非不戀丹  
闕風土愛松榆垂白性所宜東海古名區三公抵一日  
願將慈母娛

至尊動色聽欲報多躊躇子情重違拂國士珍璠璣宮  
端晉顯秩天藻承

賜書同輩有榮慶皆言公遇殊神武靖荒服橐鞬隨屬  
車黃河青海間王事許馳驅櫓槍既以掃端拱御金鋪  
陳情返林壑勇退誰能如五色宮雲中垂紳扶板輿雅  
詩頌吾友出處皆師模

寄廷玉屬山中疏治谿塘四首

龍眠攢簇衆峰幽四面嵐光抱綠疇地勝總堪營別墅  
灘高無計泛扁舟須知雙澗從雲落好引清谿遶屋流  
製就木蘭書畫舫芙蓉深處狎輕鷗

平生愛對碧潭空，幸有洪波別澗通。  
來自長松修竹外，經過石堰小橋東。  
芰荷鋪處香風滿，桃杏開時錦浪紅。  
從此幽栖無憾事，清流曲折畫屏中。

曲曲何妨映短籬，還留方沼翫漣漪。  
閒尋奇石支橋路，偶著茅亭傍水湄。  
舴艋頓添漁釣樂，桔槔還與稻粱宜。  
清渠近繞繩牀脚，好詠香山洛下詩。

白詩芙蓉池  
在卧牀前

歸計無端攪夢魂，十年心事北山園。  
松杉雖短堪圍屋，櫟柳猶存可蔭門。  
移竹栽花忘歲月，看山弄水度朝昏。

秋晴難覓登臨意只盼南鴻數寄言

枯坐

槐葉凋疏紙屋明  
繭翁枯坐負秋晴  
菊憐東壁參差影  
琴愛中徽撥刺聲  
舌潤汲泉烹綠雪  
指香和蜜剖青橙  
故山楓柏霜初染  
腸斷丹霞與赤城

秋日過西郊諸園晚詣法華寺八首

秋日晴郊得勝遊  
城西韋杜屬逋侯  
水分太液波常暎  
樹接華林地總幽

北渚南垞曲折流鏡中  
幻出小林邱為憐舊是江南客  
借與輕舸竟日遊

傑閣長廊一徑斜  
赤欄橋畔碧窗紗  
主人猶在交河北  
獨付蒼頭為埽花

疎柳餘花蔭翠岑  
芰荷老後始探尋  
最宜疊石臨流看  
數點芙蓉黛色深

畫桷驚飛錦石攢  
重重金碧護雕欄  
放翁自賞東籬趣  
僅得盆池十笏寬

誅茅一把也幽偏心賞由來喜自然卻憶蒼崖丹嶂裏  
瀑泉飛落萬松巔

還鑣得得款僧扉恰自前邨獲刈歸欲問梅花消息處  
霜林黃葉已紛飛

畏吾邨畔舊栖遲蘭若重過復幾時清磬一聲人出定  
滿庭霜柿正離離

丁丑九日

達士由來愛景光最珍寒食與重陽碧潭潦盡文鱗見

丹樹晴烘錦幄張十載壺觴高會杳九秋松菊故園荒  
一龕剩有垂簾地整理餅花學趙昌

秋窗料理瓶花四首

自疊盆山插菊枝分紅間白滿花菱明知老去童心在  
只似雕蟲作小詩

萬紫千紅縱目宜風沙無地玩芳時昔人手著瓶花史

卻勝黃荃畫折枝

袁中郎  
著瓶史

揀取花枝貯膽瓶要兼畫意與詩情最憐影落紗窗上



一幅輕綃為寫生

搗練遙聞巷北砧薰衣低覆水南沉經旬粗得閒中味  
黃菊花圍綠綺琴

即墨黃伯鑒餽柏葉露

蒸露猶存柏葉香一瓶遺自海雲鄉  
朝來攤卷黃花裏  
百沸清泉自取嘗

廷瓚承

命致祭衡岳

手持丹詔歷間關  
乘傳真成畫錦還  
木落洞庭秋色好  
計程明日到衡山

題李公凱小像二首

冰雪丰裁映紫髯  
青蓮居士本臞僊  
世間何物供清聽  
鶴唳松濤手一編

天祿讐書渾未閒  
時聞清珮直蓬山  
誰知澹蕩高人意  
常在花谿薜石間

窗間二首

窗間枕藉劒南詩  
琴比陶家有七絲  
莫怪經旬常埽迹  
偶閒難得菊花時

園才五畝半  
池塘岼繞紅桃間  
綠楊底事懸圖向東壁  
安排樹石攪人腸

吾園四首

水複山重樹色連  
紆迴樵徑大谿邊  
吾園獨占寬平地  
翡翠屏圍數頃田

纓絡巖前雪浪浮  
玉龍峽底碧潭幽  
吾園獨占雙谿勝

引入花邨繞砌流

布穀聲聲喚插田雨晴新綠正芊綿  
吾園不用栽花看  
滿目猩紅是杜鵑

稻穫場空粟里開  
霜輕日暎鴈初來  
吾園最是秋光好  
紅葉千峰錦繡堆

對菊十二韻

春晚復夏初  
天地氣芳燠  
萬卉弄顏色  
紅紫紛滿目  
秋深嘆搖落  
蕭蕭脫羣木  
隱顯各有時  
物理重往復  
何來

絕世姿東籬見叢菊灼灼紫蒂披粲粲金英簇輕霜溼  
華滋寒月照清淑晚蝶戀低枝餘蜂領微馥色正格愈  
高體腴氣彌肅造物娛寒士藉以媚幽獨編荆作小圃  
覆泉為甘谷選取落英餐快展離騷讀

丁丑十月既為鵞亭記涉園圖再題小像二首

坐蔭高梧倚桂叢讀書味道日春容知君抱膝微吟處  
意在玲瓏第幾峰

千樹松杉十畝筠海山佳地更無倫但能收拾楸枰後

便是蓬壺深處人

圖中畫  
英方罷

憶松湖用東坡先生遊孤山韻

桐之陽有松湖杭稻再熟佗地無松嶺歸樵相伴侶烟  
波縱櫂聞歌呼弟兄於此居其孥千樹桃花春自娛楊  
柳覆門沙路遠芙蓉圍屋槿籬紆埭有扁舟莊有廬北  
渚南垞隣不孤紅紫牽風足蓮芡芳蘚出水繞菰蒲世  
業遺自先大夫歲收百斛度朝晡鳴榔舉網魚撥刺不  
羨笠澤漁家圖吁嗟此地樂有餘十載歸夢空蘧蘧塵

網固結誰能遁境幽筆拙難為摹

東坡先生疊此韻四首思致高妙一再諷

誦觸湖山之思遂次原韻  
布鼓雷門之誚知不免耳

### 冬日二首

埽地焚香一事無人間何地不方壺  
莫嫌春至無消息  
繞坐細梅十二株

靜拂冰絃思轉清  
海南香裏月三更  
無端窗外寒蟬歇  
應為平沙撥刺聲

蒙

賜哈密瓜條味甘芬乃工部侍郎常綬攜回者

西域新回使者車司空風景話流沙從來蒟醬無人識  
拜賜初嘗哈密瓜

即事三首

年來性癖武夷茶風味溫香比豆花融雪烹來忙小婢  
故應清興似陶家

地鑪溫室障蒲簾雪後曦光照短檐諫果拈來成一笑  
何時湮盡始迴甜



千年古栢承光殿一派寒林太液池人在金鰲橋上望  
滿天風雪散朝時

暎室中滿置盆梅用東坡先生韻

疎枝寒蕊憶山村冰磧冷落幽人魂迴隔江雲不可見  
蟠根矮樹同朝昏研山西畔書幌側交柯接影成小園  
瓦盆擁雪土常潤地鑪宿火氈微溫深夜相將炳明燭  
清曉乍喜迎初暎梅花詰曲居暎室何殊方朔栖金門  
但能朗誦陸子詩不須更與疇一言計日春風花爛熳

為爾滿注花前樽

丁丑十月疏辭兼管翰林院詹事得

俞旨

起居注史殿西偏占領永銜廿五年今日拜辭文石陞  
好將鳳紙付時賢

白首儒臣典縹緗弟子盡琳瑯種槐幸得依劉井

佗日清陰滿玉堂

予種槐於翰林凡十八株

秩宗清重愧吾衰紫綬三重占鳳池解卻雙魚何色喜

筍香花落是歸時

題翁康飴麻衣負土圖

迎養京華翟第榮花時常奉板輿行  
畫圖偏寫麻衣淚  
知子含悽無限情

寸草春暉事惘然  
白華難補淚涓涓  
憐余蚤歲悲風木  
菽水輸君五十年

文端集卷三十二